

SAKSPAPIR

Saksnr	Utval	Type	Dato
021/19	Formannskapet	PS	28.03.2019

Saksbehandlar	ArkivsakID
Reidun Sæbdal	19/467

Årsrapport 2018 - kontroll av sal- og skjenkebevillingar

Rådmannen sitt framlegg til vedtak

Årsrapport 2018 - kontroll av sal- og skjenkebevillingar tas til orientering.

.....

Formannskapet - 021/19

FO - behandling:

Rådmannen sitt framlegg vart samrøystes vedteke.

FO - vedtak:

Årsrapport 2018 - kontroll av sal- og skjenkebevillingar tas til orientering.

.....

Saksopplysningar:

Politisk handsaming

Saka er sendt til Kontrollutvalet for alkohol til orientering.

Saka skal avgjerast i Formannskapet.

Bakgrunn

Alkoholoven § 1-9 første ledd: «Kontroll med utøvelsen av kommunal bevilling til skjenking av alkoholholdig drikk, kommunal bevilling til salg av alkoholholdig drikk utenom Vinmonopolet og statlig bevilling etter § 5-3 første ledd tilligger kommunen»

Alkoholforskriften § 9-7 : «Salgs- og skjenkestedene skal kontrolleres så ofte som behovet tilsier. Hvert sted skal kontrolleres minst en gang årlig. Kommunen skal årlig utføre minst tre ganger så mange kontroller som de har salgs- og skjenkesteder.»

Vurdering

Lindås kommune ved alkoholkontrollørane har gjennomført kontrollar i samsvar med alkoholova og alkoholforskrifta. Alle sals- og skjenkestader er prøvd kontrollert, men nokre få har ikkje vore tilgjengelege pga uregelmessige åpningstider.

Kommunen har ved utgangen av året 7 skjenkebevillingar og 14 salsbevillingar. 1 skjenkebevilling og 3 salsbevillingar er avvika/konkurs i løpet av 2018.

Kommunen har ikkje oppfylt kravet om minst ein kontroll per skjenkestad, då det er stader som ikkje har regelmessige åpningstider. Kravet om og gjennomføra minst 3 gonger så mange kontrollar som det er sals- og skjenkestader er heller ikkje oppnådd. Utgangspunktet for 2019 er å klare minimumskravet som følgje av forskrifta.

Alkoholkontrollørane er tilsett i ein interkommunal avtale mellom Lindås, Meland, Radøy, Masfjorden, Gulen, Fedje og Austrheim. Det er tilsett 4 kontrollørar, to av desse er nytilsett i 2018. I ein periode var det derfor berre to kontrollørar som utførte kontrollar. Det er eit krav at det skal vera to kontrollørar ved kontroll av skjenkestader. I tillegg fekk kommunane tilsynsansvar for tobakk frå 01.01.18 som vert utført av dei same kontrollørane. Dette kan forklare kvifor ein ikkje har oppnådd kravet til kontrollar i 2018.

Under følgjer oversikt over tal sals- og skjenkebevillingar og gjennomførte kontrollar.

Skjenkebevillingar	7
<u>Salsbevillingar</u>	<u>14</u>
Totalt	21

Minimumskrav	63
Utførte kontrollar	51

34 av kontrollane var utført på stader med salsbevilling og 17 på stader med skjenkebevilling.

Kommunen har behandla 43 ambulerande skjenkeløyve og 41 einskildhøve. Av desse fekk 6 avslag. Det er gjennomført 6 kontrollar av einskildhøve og 2 kontrollar av ambulerande løyve. Det var merknader til to av desse kontrollane. I dei tilfella det var merknader til

kontrollane, tok kommunen kontakt med dei ansvarlege, anten via brev eller møte for gjennomgang og avklaring av avvika.

Prikktildeling.

Det var tildelt 16 prikkar i 2018. 15 Prikkar for manglande innlevering av omsetningsoppgåve – [alkhoforskrifta § 10-3 3 ledd](#) og 1 for brot på reklameforbodet [alkhoforskrifta 10- 3 4 ledd](#) . Alle prikkane vart tildelt same bevillingshavar og førte til inndraging av løyvet i 10 dagar.

Konklusjon: Utførte kontrollar i 2018 er under minimumskravet. Målet for 2019 er å auke kontrollane slik at dei er i tråd med kravet i forskrifta.

.....